

名譽主編・季羨林

中國少數民族古籍集成（漢文版）

四川民族出版社

名譽主編・季羨林

主編・徐麗華

中國少數民族古籍集成(漢文版)

《第八十三冊》

四川民族出版社

本冊目錄

江南別錄

〇〇一

三楚新錄

〇一四

溪蠻叢笑

〇二六

南蠻西南夷列傳

〇三三

蠻苗列傳·西南

〇四八

國朝典彙·兵部·川湖雲貴苗蠻

〇六九

西園聞見錄·兵部·屬夷後

〇八五

漢以後西南各民族·近代綜述

清代皇帝御批彝事珍檔

一〇五

峒谿纖志

五四四

撫苗錄

五五八

《中國少數民族古籍集成(漢文版)》

漢以後西南各民族·近代綜述

〇〇二

鄂爾泰奏疏

六五三

國朝雜志

五四四

寶升皇帝時諸事彙編

一〇五

莫以對西南各民族·近升綜述

西國開民錄·吳昭·廣東刻

〇八五

國朝典彙·吳昭·四川雲貴苗蠻

〇六八

蠻苗民訓·西南國家民委「十五」重點文化項目

〇四八

南蠻西南夷民訓

〇三三

野蠻叢笑

〇二六

三苗雜錄

〇一四

西南照鏡

〇〇一

本冊目錄

江南別錄

欽定四庫全書提要

江南別錄一卷



宋陳彭年撰彭年字永年撫州南城人太平興國中進士官至兵部侍郎參知政事諡曰文事蹟具宋史本傳此所紀爲南唐義祖烈祖元宗後主四代事實時湯悅徐鉉等奉勅撰南錄彭年是編蓋私相纂述宋史本傳未備故以別錄爲名宋史藝文志晁公武讀書志俱作四卷當以一代爲一卷此本一卷疑後人所合併也其書頗好語怪如徐知誨妻呂氏爲祟陳仁杲神助戰趙希操聞鬼語諸條皆體近稗官又元宗初名景通即位後改名璟既稱臣於周避周諱又改名景而此書乃謂初名景與史不合

說選乙集

江南別錄

一 松岩補刻

又烈祖遷吳讓皇於潤州一年而殂
又一年始遷其族於泰州而此書併
敘於烈祖受禪之初端緒亦未分明
然其他可取者多蓋彭年年十三即
著皇綱論萬餘言為江左名輩所賞
李後主嘗召入宮中令與其子仲宣
遊處故於李氏有國時事見聞最詳
又冊府元龜亦彭年所預輯其僭偽
部中李昇一條稱昇自云永王璘之
裔未免附會此書但言唐之宗室亦
深得傳疑之義以資治通鑑相參校
其為司馬光所採用者甚夥固異乎
傳聞影響之說也

說選乙集

江南別錄

二

松岩補錄

江南別錄

義祖徐氏諱溫烈祖之養父也剛毅寡言
罕與人交衆中凜然可畏目為徐嘯吳武
王時淮南勁兵數萬號黑雲長劒義祖為
其裨將累以功遷右職與張顥同為衙內
列校吳武王疾亟召左右謀後事判官周
隱曰王之子未必能控禦諸將劉威長者
必不負人可授以軍政使待諸子長也吳
武王不答顥與義祖曰王親犯矢石而創
基業安可使外人為王儻楊氏無兒有女
亦可況未至此吳武王曰爾能如是吾死
且瞑目矣武王卒子渥嗣立是為景王景
王所為不道居父喪中掘地為室以作音
樂夜然燭擊毬燭大者十圍一燭之費數
萬或單馬出遊從者不知所詣奔走道路
義祖與顥承閒泣諫景王怒曰爾謂我不

說選乙集

江南別錄

一

松岩補錄

中何不殺我自爲顓對曰某曾受先王恩安敢興此心又景王親吏皆恃勢凌顓等鎬不平遂有爲亂之意景王晨興視事顓擁百餘人持長刀直進景王驚曰爾等果殺我邪顓曰非敢殺王殺王之左右不忠良者殺數十人而止諸將非其黨者相次被誅月餘殺景王聲言暴卒立其母弟隆演是爲宣王

初顓與義祖約弑渥而以其地臣於梁至是顓欲背約自立嚴可求沮之乃止顓

說遷乙集

天江南別錄

二

不書院

既得志又欲害義祖義祖用嚴可求鍾泰章謀誅顓自爲淮南行軍司馬專軍政時藩郡守將皆武王勳舊謂爲所制心不能服宣州李遇謂人曰吾始不記有此人今日何忽乃爾遇不自安遂反及敗良賤百口皆死自是諸將屏氣矣李德誠爲潤州秉燭夜出揚州遙見謂有變立命親兵千餘人渡江比明德誠盟漱兵已入城除德

誠爲江州德誠惶怖卽路帷幙皆不及取至江州懼禍未已令子繼勳來謁義祖見之歎曰有子如此非爲惡人也以女妻繼勳移德誠於信州後數歲義祖出鎮建康以親子知訓代知淮南軍政知訓驕暴不奉法與宣王泛舟濁河酒酣宣王先起隨以彈丸擊之李德誠有女樂數十人遣使求之德誠報曰此等皆有所主又且年長不足以接貴人俟求少妙者進之知訓對德誠使者曰吾殺德誠并其妻取之亦易耳初學兵於朱瑾瑾悉心教之後與瑾有隙夜遣壯士殺瑾瑾手刃數人埋於舍後瑾出鎮泗州往辭知訓知訓約至瑾家爲別及至瑾令妻出見知訓方拜瑾以笏擊路斬其首入謁宣王曰爲國去賊爲民去害在今日矣時強兵皆在建鄴宣王恐事

說遷乙集

天江南別錄

三

不書院

不濟以衣障面曰此事阿舅自爲勿累於我退走入內宣王出於朱氏故舅呼瑾瑾怒曰妾子不足與語誤我大事遂自殺烈祖自京口入代知訓掌政自是中外寧謐時楊氏猶以東南道都統吳王承制行事義祖權柄雖重而名數猶卑遂請建國改號自爲都統封齊王未幾隆演卒弟溥立是爲讓皇三年莊宗克梁遣使來告義祖說選乙集

天江南別錄

四 八 藏山書院

曰沙陀自稱中興來者必詔命逆告之曰若敵國之書乃可餘則不奉命時果齋詔來使者盤桓果具驛書上聞莊宗初平大敵意務懷柔遂用敵國之禮書曰唐皇帝謹命書與吳國主吳遣司農卿盧蘋北聘李德誠自信州來朝賜宴至夕而罷是夜宣王殂宮中以德誠進毒幽於殿內德誠親吏走告義祖以朝使不至慮有他變引

親吏百餘人夜渡江斬關而入明日釋德誠立讓皇溥宣主之弟也義祖雖總大兵而身在外朝政皆遙稟烈祖居中任事徐玠數勸義祖除烈祖以次子知詢代之義祖亦知烈祖終爲已害而烈祖勤於侍養又自幼畜之故不忍陳夫人於烈祖鍾愛尤切常曰我家貧賤時養此兒今日富貴負之非人理也知訓又死知詢尚少因以大政委焉及聞玠之謀深以爲不宜烈祖亦不自安求爲江西義祖令知詢入覲明日詔下以知詢爲相其夕宋齊丘與術士劉通微同宿聞鼓聲通微曰事必中變且有大喪書至而義祖殂義祖晚有氣疾歲中數發發則困躓將殂之夕氣暴作醫者進藥無効而絕知詢自淮南奔喪翌日起爲副都統威權同義祖而知詢暗懦待諸

說選乙集

天江南別錄

五

八 藏山書院

弟不厚徐玠知其終敗輸誠於烈祖知詢
內爲諸弟所構外爲徐玠所賣而不知也
意以已控強兵居重地烈祖雖管大政而
無兵士制之甚易義祖喪將終遣使請烈
祖至金陵烈祖上十餘表而讓皇不允頃
之知詢入朝烈祖疏其罪以讓皇之命黜
爲左統軍盡奪其兵知詢面數烈祖曰先
王之喪兄爲人子而不親臨喪反罪我邪

說選乙集

六

六

烈祖曰聞爾懸劍待我我亦不憚獨迫於
君命不得往耳爾爲人臣而畜乘輿物非
反而何知誨者知詢之弟娶吳功臣呂師
造之女非正嫡所出知誨常切齒因醉刺
殺後頻見呂氏爲祟請僧誦經亦見之僧
爲陳因果呂曰吾不解此志在報冤知詢
之敗知誨有力焉烈祖德之以爲江西至
鎮歲餘不見呂氏心中甚喜有家人自淮

南歸於江心遇綠舟有婦人乃呂氏也招
家人曰爲我謝相公善自愛我今他適矣
又以綉履授之曰恐相公不信謂爾詐此
殯時物用以爲信家人至江西以履進知
誨熟視之未畢呂氏已在側曰爾謂我的
不來也少時知誨卒知詢代之遇其喪於
中途撫棺而哭曰弟用心如此吾亦不怨
但何以見先王於地下聞者傷之烈祖受

說選乙集

六

七

吳禪追上義祖尊號徐氏諸子封拜與李
氏同而知誨之後特盛子景遼景遊皆出
入宮禁預樞密專掌浮圖脩造之任當時
言蠹政者以二人爲首

烈祖諱昇唐之宗室也舊名知誥少孤爲
義祖所養有相者謂義祖曰君相至貴且
有貴子然非君家所生又夢爲人引臨大
水中黃龍數十令義祖捉之義祖獲一龍

而寤明旦乃得烈祖烈祖奉義祖以孝聞嘗從義祖征伐有不如意杖而逐之及歸拜迎門外義祖驚曰爾在此邪烈祖泣曰爲人子者舍父母何適父怒而歸母子之常也義祖由是益憐惜長善書計性嚴明不可以非理犯累爲樓船指揮使宋齊丘者父爲江西鍾傳副使父卒羈旅淮南欲上書干謁而無紙墨行歎道中有娼婦遇

記選乙集

六江南別錄

八

六書

之問曰少年子何不樂如此齊丘以情告召歸置食贈錢數千因曰卽時至此不遣卽有所闕也齊丘感之及貴納爲正室騎將姚洞天薦於烈祖烈祖奇其才與爲布衣交動靜皆與之謀後烈祖除昇州刺史辟齊丘爲判官義祖出鎮建鄴改烈祖爲潤州烈祖意求宣州聞命不樂宋齊丘曰今三郎政亂敗在朝夕京口去淮南隔一

水若有變必先知之是天贊也三郎知訓也未幾果有朱瑾之事烈祖輕舟渡江鎮定内外以待義祖之至義祖以己子旣弗克負荷用烈祖猶愈於他人因畱輔政先是知訓待烈祖甚悖每呼爲乞子與諸弟夜飲遣召烈祖烈祖不至知訓怒曰不與酒喫劒乎餘皆類此及敗知訓宅中有土室封閉甚固烈祖請義祖開視其中絹圖

說選乙集

六江南別錄

九

六書

義祖之形而身荷五木烈祖及諸弟執縛如就刑之狀已被袞冕南面視朝義祖唾曰狗死遲矣烈祖因疏其罪惡事怒遂少解死者猶數家烈祖得政以愛民節用爲本甚得當時之譽吳宣王卽尊位烈祖當相而勲舊有未登三事者烈祖不欲自尊大乃以左僕射參政事時諸國交兵江淮爲強盛烈祖增修法度人獲又安識者歸

心焉義祖殂知詢以罪廢大政由已矣數歲出鎮建鄴封齊王制度如義祖以長子景通居中輔政宋齊丘王謨皆爲相孫誠自中原來奔與語大奇之引居門下徐知詢卒李建勲來歸幙府遂與大將周宗等進禪代之議受禪之日白雀見于庭江西楊化爲李信州李生連理詔還李姓國號唐立高祖已下七廟尊吳主爲讓皇信州

說選乙集

天江南別錄

十

天驛山

李德誠廬州周本皆楊氏舊老上言吳王已遜位宜依晉魏故事降封王公出居別邸烈祖曰曹馬之事非朕志也固請不已乃徙讓皇於丹徒遷諸楊於秦州初吳武王諱行密謂杏爲甜梅及是復呼爲杏故老有泣下者烈祖曰於勤政殿視政有言事者雖徒隸必引見善揣物情人不能隱千里之外如在目前詔立齊王景爲皇太

子王表願寢此禮三表許之以大元帥總百揆信王景遷先娶德誠之女中興後有司以同宗姓請離之制曰南平王國之元老婚不可離信王妃可以南平爲氏南平德誠所封也景遷母种氏晚歲尤承恩寵宋后罕得接見烈祖幸齊王宮遇其親理樂器大怒切責數日种氏承間言景遷之才可代爲嗣烈祖作色曰國家大計女子

說選乙集

天江南別錄

十

天驛山

何預立嫁之烈祖殂宋后欲甘心數四賴元宗保全之烈祖服大丹藥發而殂大漸嚙元宗指見血曰北方有事不可忽也中書侍郎孫晟草遺詔以宋后監國翰林學士李夷鄴曰此非先旨必姦人所爲大行常云婦人預政亂之本也安肯自作禍階且嗣君明德聞於天下汝曹何遽爲亡國之計若遂宣行吾對百寮裂之必矣遂寢

元宗即位謂夷鄰曰疾風勁草卿之謂也元宗諱璟烈祖長子也初名景幼爲義祖所器常曰諸孫中此子特貴虔州刺史鍾章恃功放恣烈祖欲繩其罪義祖曰昔無章吾已死於鎬手汝曹安所託乎今日富貴章之力也背之豈人理乃令以章女配元宗義祖初見歎曰非此兒不敵此女即光穆皇后也元宗起家尚書郎吳讓皇稱

說選乙集

二八江南別錄

士

二八讞錄

之曰朕諸子皆不及也烈祖出鎮建鄴以元宗居中輔政甚得時譽烈祖即位爲大元帥總百揆烈祖遜于諸弟詞旨堅固中書令徐玠以袞冕衣之曰大行陛下以神器之重昇陛下陛下固守小節非所以尊先旨承孝道也乃嗣位改元保大太常博士韓熙載上疏曰踰年改元古之制也事不師古何以訓人時制書已行遂不改

說選乙集

二八江南別錄

士

二八讞錄

詔立皇弟景遂爲皇太弟馮延巳自元帥掌書記爲翰林學士承旨延魯自水部員外郎爲中書舍人延魯急於趨進欲以功名圖重位乃興建州之役延巳曰士以文行飾身忠信事上何用行險以要祿延魯曰兄自能如此弟不能惜惜待循資宰相也始王氏政亂閩人聞我師之至皆伐木開道壺漿奉迎既下建州軍無節制大掠數日民不堪其苦思効順者解體矣陳覺爲招討使矯制進圍福州表言朝夕可剋元宗以爲實令王崇文爲統帥馮延魯亦往諸將爭功自相違貳崇文不能制會錢唐以兵數千來救我師不戰而潰詔鎖覺及延魯赴建鄴既至尋赦其罪始馬殷據湖南并桂管之地馬希範卒弟希廣立庶兄希萼自永州赴喪判官李恒臯知欲爲

變未至以爲朗州節度歲餘舉兵殺希廣代其位少弟希崇又廢希萼自立幽希萼送衡州將殺之大姓廖偃與叔匡凝以部曲數百人劫希萼於道奉爲衡山王以伐希崇數日有衆萬人希崇遣使求救於我元宗命袁州刺史邊鎬督兵赴援其實襲之也時長沙童謠曰鞭打馬馬須走兵至希崇希萼皆降餘郡相次歸附乘亂取廣

說漢之集

天江南別錄

古

不觀

南桂管之地朗州劉言亦自爲刺史使命將軍李建期屯益陽以圖朗州將軍張繼屯零陵以圖桂州鎬以偏兵不百日而下一國四方聞之以爲神鎬性輕信自朗州至者皆陳言之忠順鎬不爲備歲餘朗州土豪王逵襲殺建期進逼長沙奉言爲主言不能制鎬棄城遁歸諸郡皆沒唯蠻全軍而迴周師南伐進逼壽州劉彥貞督兵北

征戰敗於正陽死於陣淮上方用兵錢唐乘虛圍我常州命將軍柴克宏往救常州有隋將陳仁杲祠克宏將戰夜夢仁杲曰吾遣陰兵助爾及戰有黑牛二頭衝錢唐之陣我師繼之乃大破之斬首萬餘遂解常州之圍以克宏爲江州節度使冊仁杲帝號謚武烈右僕射孫晟使周給事中王崇質爲介晟至汴京謂崇質曰吾觀事勢

說漢之集

天江南別錄

五

不觀

京斬之晟臨刑神色不變南望再拜曰死
不負陛下矣既而泗州降北諸軍繼敗乃
遣陳覺奉表割江北之地求成世宗許之
遂去尊號稱國主用周正朔大弟景遂固
請歸藩立長子冀爲太子時丹徒得古銘
曰天子冀州人衆以冀應之未幾冀卒識
者謂冀州趙地也陳覺乘間言社稷禍在
朝暮請陛下宴居宮中國政盡付宋齊丘

說選之集

天江南別錄

夫

二八

以紓密亂元宗以戎事未寧隱忍不發鍾
謨自汴京歸理德明之怨乃言人臣窺國
理不可容遂誅覺幽齊丘於青陽尋亦卒
謚醜謬謨使回爲禮部侍郎任用權傾中
外與信州刺史張巒有舊巒入爲天德軍
使每詣謨第常屏人獨語中夜乃止給事
中唐鎬密言恐有他變宜先圖之會太子
冀葬謨固請敕巒以所部兵馬爲京城巡

徵元宗乃下詔數謨侵官之罪貶於饒州
謚死巒亦黜爲宣州副使元宗殂於南都
南都豫章也太子卽位於建鄴梓宮至日
南都羣臣表請殯於別宮後主下詔不許
哭甚哀切乃殯於萬壽殿元宗神彩精粹
辭旨清暢湖南使至歸與親友言曰爾識
東朝官家南嶽真君不如也

後主諱煜字重光元宗第五子也幼而好

說選之集

天江南別錄

二

二八

古爲文有漢魏風母兄冀爲太子性嚴忌
後主獨以典籍自娛未嘗干預時政冀卒
立爲太子元宗幸南都後主監國於建鄴
臨事明允甚得時譽元宗崩哀毀過禮卽
位立妃周氏爲后句容尉張佖上書言爲
理之要詞甚激切後主手詔慰諭徵爲監
察御史周后疾後主朝夕臨視藥非親嘗
不進衣不解帶者逾月及殂哀毀骨立杖

然後起立后妹爲后王者婚禮麻代少有
詔中書舍人徐鉉知制誥潘佑與禮官參
議互有矛盾議久不決後令文安郡公徐
遊評其是非時佑方寵用遊希旨奏佑爲
長月餘遊病疽鉉戲謂人曰周孔亦能爲
崇乎佑既居親密欲盡去舊人獨當國政
後主亦惡之俄以本官專知國史佑彌不
樂乃非詆公卿與戶部侍郎李平親狎上

說選乙集

江南別錄

大

入書

表言左右皆姦邪不誅爲亂在即後主手
書敦諭七表不止因請休官遠去李平初
與朱元自比來元已叛去平深厚難測後
主慮其同構大姦乃暴其罪而誅之後謂
左右曰吾誅佑平思之踰月不決蓋不獲
已也烈祖初立庾事草創未有貢舉至元
宗始議興置時韓熙載徐鉉兄弟爲當代
文宗繼以潘佑張洎以才名顯後主尤好

儒學故江左三十年文物有貞元元和之
風元宗稱臣於周惟去尊號用周正朔其
諸制度猶未全改後主即位始衣紫袍王
師屯漢陽鄂州楊守中以聞人心大恟乃
下制貶損臺省名號竝皆改易王皆降封
公遣長弟從善入貢因畱質後主天性友
愛自從善不還歲時宴會皆罷惟作登高
賦以見意曰原有鵠兮相從飛嗟我季兮

說選乙集

江南別錄

大

入書

不來歸天朝使中書舍人盧多遜來聘南
伐之謀兆於此矣後主微知之遣使願受
封策太祖不許甲戌歲夏梁迴來聘從容
謂後主曰今冬有柴燎之禮國主當來助
祭後主唯唯不荅秋初中書舍人李穆齋
詔來曰朕以仲冬有事於園丘思與卿同
閱犧牲後主辭以疾時大兵已在荆湖惟
候穆之反命後主既不赴召遂決進取九

月舟師自大江直趨池州中外奪氣樊若水父保大末爲漢陽縣令父卒家池州累舉進士不第至汴京上書太祖謂之有才術累遷資善大夫平南之策多所參預時雖得池州及姑熟餘郡皆未奉命糧道艱阻若水請於采石繫橋以利輪輓每歲大江春夏暴漲謂之黃花水及天兵至水皆退小識者知天命焉錢唐悉兵來圍常州

說選之集

江南別錄

干

六書

主將禹萬誠固守大將金成禮劫萬誠以降而天兵已屯於建鄴城南十餘里錢唐又進圍潤州兵初興議者以京口要害當得良將侍衛庠虞候劉澄舊事藩邸後主尤親任之乃擢爲潤州畱後臨行謂曰卿本未合離孤孤亦難與卿別但此非卿不可勉副孤心澄泣涕奉別歸家盡輦金玉以往謂人曰此皆前後所賜今國家有雖

當散此以圖勲業後主聞之益喜及錢唐兵初至營構未成左右請出兵掩之時澄已懷向背堅曰兵出勝則可不勝則立爲虜矣救至然後圖戰後主又命盧絳爲援絳至錢唐兵少退絳方入城圍又合矣固守累月自相猜忌初絳怒一裨將將議殺之未決澄私謂曰盧公怒爾爾不生矣裨將泣涕請命澄因曰吾有一言告爾非徒免死且富貴因諭以降事令先出導意裨將曰柰緣某家在都城何澄曰事急矣當且爲身謀我家百口亦不暇顧矣是夜裨將赴城而出明日澄徧召將卒告曰澄守數旬志不負國事勢如此須爲生計諸君以爲何如將卒皆發聲大哭澄懼有變亦泣曰澄受恩固深於諸君且有父母在都城寧不知忠孝乎但力不能抗耳於是率

說選之集

江南別錄

主

六書

將吏開門請降建鄴初圍後主遣使徵上江兵入援以建昌軍制置使朱贊爲統將時勝兵數萬屯於湖口不進後主累促之至皖口方交戰船爲天兵所圍贊自救之被執餘兵皆潰建鄴受圍經歲城中斗米十千死者相籍惟恃此救自潤州降後不聞外信出降者相繼或云贊已敗死後主猶謂不實城陷後主欲自殺左右泣涕固

說選乙集

江南別錄

主

嚴山

諫得止元宗後主皆妙於筆札好求古迹宮中圖籍萬卷鍾王墨跡尤多城將陷謂所幸寶儀黃氏曰此皆吾寶惜城若不守爾可焚之無使散逸及城陷黃氏皆焚時乙亥歲十一月也後主至汴京二歲殂南人聞之巷哭設齋後主初即位中使趙希操自建鄴奉使江西夜宿姑熟中宵忽聞二人相語曰君自金陵來新王何以爲理

一曰吾聞新王以仁孝爲理又曰如是則明王也久之又聞一人曰然則水木之歲當至汴梁希操心喜以後主終得中原果以乙亥歲國除入天朝後主妙於音律樂曲有念家山親演其聲爲念家山破識者知其不祥至甲戌歲有衛兵秦福自毀其鞋跣足升正殿御座論者以鞋者履也履與李同言李氏將敗此殿爲秦人所得也

說選乙集

江南別錄

三

嚴山

秦趙古同姓焉後主酷好著述雜說百篇行於代時人以爲可繼典論江南大臣至中朝名最顯著者徐鉉字鼎臣與弟鍇同有大名於江左方之士衡士龍焉鍇字楚金先城陷而卒著書甚多謚爲文後主文集錯爲之序新說又鉉爲序鉉著質論十餘篇後主宸筆冠篇儒者榮之

江南別錄終

宋陳彭年撰